



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda S. Coloniensis Ecclesiae. Hoc Est: Liber Pastoralis

Ferdinand <Köln, Erzbischof>

Coloniae Agrippinae, 1614

Initia Quatour Euangelorium.

urn:nbn:de:hbz:466:1-39761

INITIA QVATVOR
EVANGELIORVM.

Secundum Matthaeum.

Iber generationis Iesu Christi, filij Dauid, filij Abraham, Abraham genuit Isaac. Isaac autem genuit Iacob. Iacob autem genuit Iudam, & fratres eius. Iudas autem genuit Phares, & Zaram de Thamar. Phares autem genuit Efrom. Efrom autem genuit Aram. Aram autem genuit Aminadab. Aminadab autem genuit Naafon. Naafon autem genuit Salmon. Salmon autem genuit Boos de Raab. Boos autem genuit Obeth ex Ruth. Obeth autem genuit Iesse. Iesse autem genuit Dauid Regem. Dauid autem Rex genuit Salomonem, ex ea, quæ fuit Vrie. Salomon autem genuit Rhoboam. Rhoboam autem genuit Abiam. Abias autem genuit Afa. Afa autem genuit Iosaphat. Iosaphat autem genuit Ioram. Ioram autem genuit Oziam. Ozias autem genuit Ioathan. Ioathan autem genuit Achas. Achas autem genuit Ezechiam. Ezechias autem genuit Manassen. Manasses autem genuit Amon. Amon autem

Aaa 2

genuit

genuit Iosia. Iosias autem genuit Iechoniam, & fratres eius in transmigratione Babylonis. Et post transmigrationem Babylonis Iechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Sadoch. Sadoch autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Iacob. Iacob autem genuit Ioseph virum Mariæ, de qua natus est Iesus, qui vocatur Christus.

Secundum Marcum.

INitium euangelij Iesu Christi filij David, sicut scriptum est in Esaia Propheta. Ecce ego mitto angelum meum ante faciem tuam, qui præparabit viam tuam ante te. Vox clamantis in deserto, parate viam Domini, rectas facite semitas eius. Fuit Ioannes in deserto baptizans, & prædicans baptismum poenitentia in remissionem peccatorum. Et egrediebatur ad eum omnis Iudææ regio, & Hierosolymite vniuersi, & baptizabantur ab illo in Iordane flumine confitentes peccata sua. Et erat Ioannes vestitus pilis cameli, & zona pelli-

pellicea circa lumbos eius. Et locustas & mel syluestre edebat, & prædicabat, dicens. Venit fortior post me, cuius non sum dignus procumbens soluere corrigiam calceamentorum eius. Ego baptizavi vos in aqua, ille verò baptizabit vos in Spiritu sancto.

Secundum Lucam.

FVit in diebus Herodis regis Iudææ sacerdos quidā nomine Zacharias de vice Abia, & vxor illi de filiabus Aaron, & nomen eius Elizabeth. Erant autē iusti ambo ante Deum, incedentes in omnibus mandatis & iustificationibus Domini sine querela, & non erat illis filius eò quod esset Elizabeth sterilis, & ambo processissent in diebus suis. Factum est autem cū sacerdotio fungeretur Zacharias in ordine vicis suæ ante Deum secundum cōsuetudinem sacerdotij sorte exijt, vt incensum poneret ingressus in templum Domini. Et omnis multitudo populi erat orans foris hora incensi. Apparuit autem illi angelus Domini stans à dextris altaris incensi. Et Zacharias turbatus est videns, & timor irruit super eum. Ait autem ad illum angelus. Ne ti-

meas Zacharia. quoniam exaudita est deprecatio tua, & vxor tua Elizabeth pariet filium, & vocabis nomen eius Ioannem. Et erit tibi gaudium, & exultatio, & multi in natiuitate eius gaudebunt. Erit enim magnus coram Domino. Et vinum & fyceram non bibet. Et Spiritu sancto replebitur adhuc ex vtero matris suæ. Et multos filiorum Israël conuertet ad Dominum Deum ipsorum. Et ipse præcedet ante illum in spiritu & virtute Heliæ, vt conuertat corda patrum in filios, & incredulos ad prudentiam iustorum, parare Domino plebem perfectam.

Secundum Joannem.

IN principio erat verbum, & verbum erat apud Deum, & Deus erat verbum. Hoc erat in principio apud Deum. Omnia per ipsum facta sunt, & sine ipso factum est nihil. Quod factum est in ipso vita erat, & vita erat lux hominum, & lux in tenebris lucet, & tenebræ eum non comprehenderunt. Fuit homo missus à Deo, cui nomen erat Ioannes. Hic venit in testimonium, vt testimonium perhiberet de lumine, vt omnes crederent per illum.

illum. Non erat ille lux, sed vt testimonium perhiberet de lumine. Erat lux vera quæ illuminat omnem hominem, venientem in hūc mundum. In mundo erat, & mundus per ipsum factus est, & mundus eum non cognouit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine eius, qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et verbum caro factum est, & habitauit in nobis. Et vidimus gloriam eius, gloriam quasi vnigeniti à patre plenum gratia & veritate.

Sic concludendo.

Per istos sermones sancti Euangelij indulgeat nobis Dominus vniuersa nostra delicta. Amen.

PROFES.